



江蘇省地方志編纂委員會辦公室 編

江蘇歷代方志全書

25



江蘇省地方志編纂委員會辦公室編



鳳凰出版社

江蘇歷代方志全書

25

江寧府部

ISBN 978-7-5506-2318-7



圖書在版編目（CIP）數據

江蘇歷代方志全書. 江寧府部 / 江蘇省地方志編纂
委員會辦公室編. — 南京：鳳凰出版社，2016.2
ISBN 978-7-5506-2318-7

I. ①江… II. ①江… III. ①江蘇省—地方志 IV.
①K295.3

中國版本圖書館CIP數據核字(2016)第006658號

- 書名 江蘇歷代方志全書·江寧府部
編者 江蘇省地方志編纂委員會辦公室
責任編輯 王 劍 王愛榮 吳 瓊
裝幀設計 姜 嵩
出版發行 鳳凰出版傳媒股份有限公司
鳳凰出版社(原江蘇古籍出版社)
發行部電話025-83223462
出版社地址 南京市中央路165號,郵編:210009
出版社網址 <http://www.fhcbs.com>
經銷 鳳凰出版傳媒股份有限公司
印 刷 揚州文津閣古籍印務有限公司
揚州市開發區鴻揚路22-2號(6幢),郵編:211153
開本 889×1194毫米 1/16
印張 1151
版次 2016年2月第1版 2016年2月第1次印刷
標準書號 ISBN 978-7-5506-2318-7
定 價 21600.00圓(全二十七冊)
(本書凡印裝錯誤可向承印廠調換,電話:0514-87969255)

光緒高淳縣志(二)



(清) 楊福鼎 修
(清) 陳嘉謀 等纂

第二十五冊目錄

光緒高淳縣志（二）	〇〇一
民國高淳縣志	二三七

高淳縣志卷十六

名宦

官師之紀綦詳矣復志名宦何著不忘也縣令爲斯民所托命又弼以師儒佐以丞簿尉要皆必有子惠元元助宣教化之實非徒崇其名也故德澤在當時祭享及後世者尙已卽祀事弗及而憩芟可懷均應表章以志民戴至兩臺及二千石履庇雖多其政績已列省志郡志茲不復書以見父母師帥於吾淳者有獨切也志名宦

知縣

熊吉字伯修江西臨川人進士宏治十六年任學優才富剖決如流厲精圖治多所興革崇學校勤撫字人皆德之祀名宦

王廷相河南嵩縣人正德四年以給諫出爲令甫下車值邑大旱

高淳縣志

卷十六

名宦列傳

一

卽發粟賑饑勸殷戶施粥全活甚衆未一載擢御史萬厯年間邑人追思其德舉祀名宦

劉啟東字伯陽河南羅山人舉人嘉靖二年以給事中謫任才幹精敏善經畫憫淳民養馬之苦欲以宣城派寄之馬歸宣不果申議宣出驛傳銀一千四百餘兩及斷還馬場田六千六百餘畝民賴以安又增學宮置各署設社壇築七門百廢具舉淳治蔚然改觀祀名宦

伍鑑福建晉江人進士嘉靖七年任治先德化裁節有方

甘惠崇陽人舉人嘉靖十九年任愷悌宜民周卹貧士治西有病涉處飭架堅木爲梁民稱爲甘棠橋

胡儒廣西儀衛司校舉人嘉靖二十二年任連年大旱道殣相望儒乃捐俸賑救悉停徵歛本年錢糧緩至次年始完

幼邑

民赴京泣保得改績溪丞再擢肇慶府同知

黃餘慶安義人舉人嘉靖二十六年任雅持禮法舉動不苟

方沂江西浮梁人舉人嘉靖三十六年任聰明軼衆誠心愛民時大潦永豐鄉被水尤甚沂則盡蠲其里役漕糧缺兌乃悉發庫銀糴補民賴以全入計無資稱貸僱夫役而行至今頌其委曲全下砥節奉公云後陞知州

薛夢李浙江嘉善人舉人嘉靖四十二年任子諒易直日以講學訓民爲事時景王道金陵捐俸僱夫以代民役民以愁苦訴者輒爲流涕去後立祠祀之

李德望江西新淦人舉人嘉靖四十四年任性明敏處事極有條理時官田賦重苦於徭役乃以四百畝配民田百畝立五段錦法調劑之甘苦適均民甚便焉

高淳縣志

卷十六

名宦列傳

二

鄧楚望湖廣麻城人進士爲禮科給事中浙江副使隆慶元年謫

高淳丞尋遷爲令果敢有才鋤抑豪右小民賴之擢安慶府同知士民保留丈田均糧盡剔姦弊及查天界寺田令供差役召

民佃馬場收租以代馬草利益更溥

夏大勲廣東饒平人舉人萬厯元年任才能任事移常豐倉於縣治西留暉門外便民輸運民甚德之

張佐治福建平和人進士萬厯三年任樸實儉約恂恂如寒士省訟惠民接諸生藹然真切遇旱行禱赤日中雨至猶不止甫七月調長興令歷官知府副使以備兵天津卒於官

王體升浙江錢塘人舉人萬厯四年任果毅嚴整不畏強禦時天界寺僧冒欽賞田匿稅多方援請以求必得乃嚴中當道力持之議竟寢衆稱其明斷



董岐鳳雲南石屏州人舉人萬歷十四年任明察燭姦慈惠恤下時大水圩田多沒乃懇訴於京兆許公孚遠得疏請帑銀三千兩修築各圩並買當塗湖灘作遮浪埂以扞南蕩圩田一萬七千餘畝至今賴之

劉煬浙江山陰人選貢萬歷十七年任立心和易布政寬平每際繁劇必裁省以從簡要士民相安稱不擾焉

趙瑄雲南臨安人舉人萬歷二十六年任姦胥劉守清慣侵大糧沉匿不解瑄曰糧莠不除嘉禾不立遂置之法宿蠹頓清政務鋤強扶弱因被中傷三郡節推臨縣訊鞫士民數千人號泣稱冤節推色動遽為伸理瑄謂眾曰我素無惠澤諸君何厚道乃爾眾泣如雨去之日遮道攀留瑄曰子身萬里苦無嗣息得生歸故園足矣後有徐某秉銓政知瑄勸之仕不應

高涇縣志

卷十六

名宦列傳

三

項維聰字聽所浙江永嘉人進士萬歷年間任勸政惠民榜其署曰水壺以明厥志暇則課士不倦學宮面湖形勢太曠捐俸甃屏牆衛於前建敬一亭時其後文教丕振又纂修邑志克備三長陞工部主事歷廣西副使皆有聲士民思之特為祠祀

宋祖騰字爾英福建莆田人進士萬歷三十四年由偃城調任周諮民隱治獄務得其情三十六年大水民居蕩沒數百年未見之災祖騰架大航不避風濤沿鄉赴救兼督丞尉率吏役設法同拯困溺餓者粥之病者藥之力請於上悉緩諸征又發常豐倉穀三千石以賑濟平米價不致湧貴各鄉特祠祀之尋陞戶部主事

唐登儁四川富順人進士萬歷四十四年任才學富有馳名翰墨神明果斷案無滯牘常率鄉耆子弟敷揚六諭親為剖晰不厭

詳築長隄接連大橋遠邇利賴稱唐公隄士民繪像祀之後
歷官至參藩

李允任字克執福建建清人舉人萬歷四十七年任剛明廉介折獄無所依違士大夫交接一刺之外不敢他及甫及期以內艱去

陳璧字栗然河南商城人舉人天啟五年任持正不阿愛民如子徵輸不擾公庭閒寂民有爭訟開誠諭之莫不感服案牘之暇書史自娛著有南遊草以直指供億薄為所嘆遂左遷藩史去紳士咏歌送行比以一錢劉寵云

莊鐸字慧航廣西桂林人舉人天啟六年任政尚德化不事峻刻涓以虛糧賠累幸邀永折民困稍甦時借徵本色三年鐸懇兩臺具題有餉事孔殷需邊疆甯靜再議之旨後來議改折者皆

高涇縣志

卷十六

名宦列傳

四

踵此以行二王就藩道出龍江奔走迎候多方以免民役而民不知其自譙樓學宮庾廩使館俱節俸修葺之士夫交相推重擢江陰海防同知

方廷涓字思默江西浮梁人進士崇正八年任諳練物情通達治體時民困轉輸盡誠哀籲得允半折歲旱蝗遺蠅遍野越歲復生聚成邱壘憂惶虔禱蝗悉踰赴湖涓死先是漁人間神夜呼六月初三日蝗當盡至期果然所謂蝗赴東海者非耶更慶歲穰實涓之庇後陞南祠部

周光霽字澹菴浙江武康人舉人崇正十二年以教職陞任馭下肅清獄訟平恕連歲大旱斗米千錢民間儲積皆盡至屑榆皮掘白土以食時督漕急負圩諸鄉尚獲薄收光霽自立印券貸之輸將如期明歲秋登悉償無逋一時服其才畧過人

崔掄奇字正誼河南夏邑人進士 國朝順治四年任濱有虛糧
屢求永折不得奇力請巡按上官鉉特疏得奉 俞旨民困大
紓又加意士類勤於考課晨夕論文歡若布衣交姦徒李德恭
假冒撫差察州縣奇覺其詐收禁之恭仍票召宣營兵來迎聞
者駭甚奇獨無恐兵至熟辨之曰此偽也立解正法其膽智如
此陞工部主事

紀聖訓字琅函直隸甯津人貢生順治十年任才能果敢行政在
寬猛之間念涓雖經改折猶苦河工輕齎之征詳請上憲免銀
三千兩民共戴之十六年海氛犯境解綬去

孟復生字元來直隸滄州人歲貢順治十七年任廉潔有守一介
不苟捐羨餘絕私派嘗爲直指訶譴屹然不撓竟以讞決違限
去

高涇縣志

卷十六

名宦列傳

五

張大垣字紫宸陝西三原人進士康熙六年任謙和風雅造士有
方析楊無濫時檄下將易改折復漕糧闔邑驚惶垣以一紙寢
其議民賴以安及遷徽州同知攀車泣送路爲之塞至今去思
碑猶新

李斯佺號松客山東長山人以世胄令涓未出都卽廉知涓多蠹
猾如構旗廝逃害藉糧里科勒民間稍裕者夜不安枕甫下車
痛除積弊拘蠹之尤甚者杖斃之餘黨歛跡民害立除聽訟片
言可決有吏立冰上人行鏡中之謠嘗拔知名士每月親課於
寅賓館丹黃甲乙有若嚴師文教丕振至今有觀摩象額并題
跋懸館中陞知茂州歷任兩淮運使

張象猷號霞山四川潼川人進士康熙二十三年任其先侍御張
慎行於明懷宗末請遏流寇旋奉命督師著有戰功未經錄敘

紳舉進士赴史館申明以光先烈莅涇愛民禮士不染一塵士
民控革里排力爲申請民害永除至今言循吏者必首象猷後
陞膠州知州

梁欽字敬旂江西泰和人進士乾隆元年任性明敏一見卽辨淑
慝案無留牘每聽斷觀者竊立隸逐之欽曰吾奉法無私正須
千人皆見何逐爲修砌諸門及公廨百廢具舉尤以勸農桑重
本業爲首務暇則與諸生論文晉接之際必曲加優禮戊午丁
內艱闔邑公額兩臺偕寇不可得皇皇如失慈父母焉後起復
任上杭知縣

欽連字寶光浙江長興人進士乾隆三年由南匯調署涇已愛民
凡衙舍頽垣及關門要害悉整理之於韓城港韋家港等處不
惜捐貲疏濬以廣水利邑故不善蠶事連市穉桑教民樹插蠶

高涇縣志

卷十六

名宦列傳

六

利以興其經畫周至實心爲民如此隨調江甯至今思之
許心源號湘嵐湖南甯鄉縣舉人道光七年任勤政愛民重文好
士以培植人材爲首務涇向無書院源創議興建勸捐至二萬
餘金就尊經閣葺而新之顏曰學山書院嚴立課程時親講習
文教丕振五人內簾所拔多知名士旋調豐縣奉部駁回又調
署督糧廳士民呈請回任蒞任十三年革陋規禁溺女勸賑恤
拔孤寒善政不可枚舉因事被議邑人士延主講席凡七載教
誨不倦年屆八旬歸邑人崇祀遺愛祠復建專祠於明倫堂東
包家丞號興實安徽涇縣拔貢同治二年任涇時甫經收復見民
情紛亂首出示不究亂時事以安民心招集逃亡事務休養生
息憫鄉農耕種無貲請於督憲由安慶發銀一千五百兩復偕
各邑在金陵發銀三千兩以貸貧民後此欵他邑俱繳府涇獨

得請藉以興造 文廟丞之力也博學多識每事躬親幕中僅一書啟家丁約共五六人出門輒用二夫無事充打掃役自奉之儉過於平人不肯多費一錢致傷百姓元氣在任無赫赫名而地方隱受其福第三載調署宿遷去後見思光緒四年重建遺愛祠立祿位以供奉之

秦會熙號小芝浙江會稽人同治十年任愷悌慈祥一以興利除弊爲已任涪邑虛糧之累由明至今數百年邑人屢次叩關上控未獲邀 恩熙慨然曰涪本瘠邑疊遭兵燹此累不除吾民其何以甦乎反覆陳詞殫心竭慮 大憲感動奏凡三上時屆五年卒奉 俞允歲省足錢三萬緡士民歡忻鼓舞就遺愛祠基建酬恩堂申頌禱焉他如增書院課捐資興費積穀備歉設船救生力捕蝗蝻嚴禁煙賭涪七載善政多端調任甘泉涪高涪縣志 卷十六 名宦列傳 七 人至今思之

教諭

于鳳字宣治江西新淦人舉人明正德三年任循理持正講學不倦時祭器未備捐俸建置昏喪乖制者誨之使改至涪未踰年母卒扶櫬歸後補合肥贈主事祀名宦

楊暉福建侯官人舉人嘉靖年間任強毅有守培植士風

漆煌江西新昌人歲貢嘉靖年間任性誠樸不事矜張始終優禮

士類

劉禹龍廣東東莞人舉人嘉靖年間任耿介持身委曲恤士士林懷之

胡父心浙江仁和人舉人嘉靖年間任侃侃有氣節遇不率者持正以折之接賢士歡若家人且疎財好施歸之日囊橐蕭然人

皆感嘆

陳道浙江錢塘人歲貢萬歷年間任性慷慨恤寒士

陳微桐城人歲貢萬歷十八年任從容渾厚獨持大體允爲儒者

師範

廖鶚廣西靈川人舉人萬歷二十一年任誠心實行表裏如一尤以潔清自尚課文力祛浮靡貧者捐俸周之諸生咸佩其德四年遷石埭令

凌子儉字素菴歙縣人舉人萬歷三十三年任瑞廉仁厚勤於課士後陞曲靖知府遇安酋之亂監軍貴陽守城絕糧題詩於壁不屈死贈太常寺少卿

王三傑字銘赤懷甯人舉人萬歷四十七年任性寬仁接士溫然會學舍傾圮僦民居下帷焚膏不倦於學勉士子以孝友力行高涪縣志 卷十六 名宦列傳 八

古道陸廣西南甯府推官

曾裕字升伯江西泰和人舉人崇正七年任文章典博淵源南豐尤工書法人爭寶之寒士輒多推解學官傾圮裕計畫鼎新捐貲爲之倡好義者趨赴不日功成陞鄆縣令

汪鉉懷甯人舉人崇正十四年任博學工書坦豁有度與士子論文多自得語間有被枉者鉉義形於色白縣雪之其人尙不知也癸未第春官授行人安於涪之樸茂不忍去經時乃行

束時泰字瞿先丹陽人舉人 國朝順治五年任德業醇備淹貫經史爲文以先正爲法程士以孝行聞者申詳風厲未幾陞澄城令

吉天助字順也太湖人歲貢順治十七年任博雅多風課士不倦調歙縣諭

下汾陽字雲郭揚州人歲貢康熙十五年任溫恭有道範士樂親之恒依依不忍去尋卒於官

葉楠號芥舟上海人歲貢康熙十七年任大雅溫 and 優崇士類書門偶失禮於諸生必重懲之曰若等効力於學者敢與士抗將置我於何地詩文具有根柢與李令斯佳纂修邑乘秉筆居多焉

柳加恂字民偕丹徒人歲貢康熙二十六年任家頗饒一切贊饋不受諸生有文行異等嘗延至署齋寵異之卽臚轍中有能文而貧者輒分橐遺贈鼓舞以成其材秩滿陞縣令去士立去思碑於郵亭

訓導

劉紱江西泰和人歲貢明嘉靖年間任簡淡真率綽有先輩風範

高涓縣志

卷十六

各官列傳

九

鄭儒浙江西安人歲貢萬歷年間任樸茂謙謹言動由衷士之貧者贊餽悉却

衛可徵山陽人歲貢萬歷十三年任守己以誠接人以禮嘗周貧乏不令人知善古文辭工書法布袍疏食儵然自適

許昌緒字心穎寶應人歲貢崇正九年任博雅能文謙冲下上人每稱之

寶應茂字燕貽貴州人合肥籍選貢國朝順治四年任到任卽葺文廟會攝縣篆勘災寬征潔已愛民巡按督學交薦之甫三月新令至不樂改補遂僑居於清今其孫桂榮仍家於城東

孟貞涓字還初沛縣人歲貢康熙十二年任渾厚古樸恬淡自適

以年老謝去

李琪字星子合肥人歲貢康熙十七年任性恬靜好學工書善詩

文凡贊餽槩不受一日飄然拂衣去

施麟瑞號質谷嘉定人歲貢康熙三十三年任博學工詩文中丞商邱宋公延修書史儀封張公設紫陽書院聘爲院長所校書皆足羽翼經傳其識拔士多相繼騰達及陞宜興教諭公立去思碑於明倫堂右

陸圻號松菴蒙城人歲貢雍正四年任德隅峻整敦樸廉靜雅有古人風會時事弗合致仕去紳士徵詩文以送之

縣丞

易文江西臨川人選貢明嘉靖二十六年任大有佐理才民多戴德祀名宦

崔廷弼歲貢嘉靖年間任秉正不阿以氣節著擢蠡縣令

晏朝賓四川雅州人選貢萬歷三十二年任和易近人勤於職事

高涓縣志

卷十六

各官列傳

十

暇則雅意書史奉委鞠訟當情而止不取贖鍰陞呈貢令

典史

王大濩浙江鄞縣人明嘉靖三十八年任性爽才練以能更稱

陳孔昭福建惠安人萬歷二十年任動循規矩無忝厥職

詹應楨字祥卿福建福清人萬歷四十五年任才克佐理於地方

利病多所興除雖任干掇不失儒雅頗吟咏以自適後垂橐以去

論曰宦涓者之去吾涓也相繼數百年矣其卓卓者旣尸祝而俎

豆之復布其狀於冊久而愈昭豈曹好之私哉蓋涓爲前明新

造邑自兩壩築而田疇化爲巨浸民力凋劫而又困於無藝之

征蠹胥之害者不可勝言非先後賢司牧心手交瘁釐剔撫綏

涓民幾於無生尙得服疇食德以長有子孫耶宜吾民之感仰

不能置也他若丞尉學職政績可紀者例亦得傳亦以示勸也嗟乎簿書錢穀苟幸無罪者衆矣奚暇念吾民甚至股以生而殘以逞者又不少若而人也雖沒其文而言者猶必曰某某靈吾清者也以視諸公之去而常令人思其相去何如耶

人物 鄉賢 忠臣 孝子 義夫 文學 篤行 好義 隱逸 藝術 流寓 仙釋 列女

自班氏漢書創例作古今人表後世志郡國州縣者因焉顧其門類頗多要必競競於不朽之故云世盛稱縉紳先生其行事鄉國交重之而布衣著書及匹夫匹婦慕義知勉亦見述於時然則人以出處順逆輕重哉業能自樹立振振於輩流而氓民然姓名不留於天地載筆者之責也甄綜見聞上起朝廷下逮閭閻闔巷卽一藝成名得採之著於篇志人物

鄉賢人物一

高淳縣志 卷十六 列傳 鄉賢 十一

宋魏良臣字道弼崇教鄉南塘人負質瑰偉少遊郡學母病亟良臣忘寢食百計醫治竟得痊宣和二年登進士初擬丹徒尉詣闕投匭函伸太學陳東寃天下高其義調嚴州壽昌令以最聞召對除勅令刪定官遷吏部郎金人犯高郵擇使講和上曰魏良臣頗有氣節宜往使還舊相去國廷議不協丐祠以歸開廢累年上念之召除禮部郎遷左右史檢正秦檜當國欲畀以言職力辭適金人敗盟擢吏部侍郎奉使兀朮擁精銳以懼之良臣從容不懼反覆詳辯迄定初議後參大政出衣冠之囚釋蠻瘴之冤起淹抑斥姦回修軍政罷冗員節浮費晚應知紹興宣潭洪四郡卒年六十九贈光祿大夫建康郡開國侯食邑千三百戶諡敏肅子三伯友仲恭叔介俱顯

吳柔勝字勝之永甯鄉茅城人徙居宣城登淳熙辛丑進士調都

昌簿丞相趙汝愚雅賢之授嘉興教授浙西大水常平使者黃灝委以荒政全活甚衆會汝愚去御史湯碩劾其擅放田租爲汝愚收人心且主朱熹之學不可爲士子率坐罷久之改贛縣尉韓侂胄用事黨禁甚厲柔勝獨與楊萬講學不輟時官嶺南者多歿於瘴還過贛妻子零丁柔勝乃置廣惠館括閒田所入以款之由是人皆得歸嘉定初歷國子正始以朱熹學與諸子講習濂洛之傳爲之一振召對值大風雷太廟鴟尾壞柔勝抗論切直遷博士乞判建康歷司農丞知隨州時和議復成禁諸郡毋開邊隙犯者立誅之有梁臯者北人盜其馬臯追而與之鬪郡下七人於獄柔勝至立縱之隨經兵火之餘爲罷科歛寬逋負獎忠義褒死節隨人大悅築隨州襄陽二城置忠勇軍敵圍襄陽不克諸郡賴之改湖北運判知鄂州歲大饑乞糴衆獲

高淳縣志 卷十六 列傳 鄉賢 十二

生全改知太平民泣留踰年請老除秘閣修撰卒贈太師魏國公諡正肅柔勝天性孝友初仕會母夫人疾亟時有願輸易缺者斥曰吾豈以親疾罔利哉卽遣去與彭龜年楊簡袁燮爲師友每以行事當否爲學力淺深之驗嘗曰士以大節爲本大節有虧他行莫贖故罹黨禍十餘年操終不貶子四源泳俱補迪功郎淵潛別有傳

吳淵字道父柔勝第三子幼端重力學五歲喪母哀慕如成人舉嘉定七年進士調建德簿史彌遠與語奇之曰國器也時開化新置尉欲畀之淵力辭尋辟合江東九郡有寃訟於使者咸請屬淵及丁父憂詔起復辭之弗許乃遺書政府謂官哀求榮則生平大節掃地矣時丞相史嵩之方奪情淵復上疏議者難之淵弗顧詔竟從之後廷議欲用兵以據關守河爲說時淵方進

用力陳不可謂國家力決不能取即取之必不能守丞相鄭清之不悅出知江州後果如其言清之致書引咎焉加寶章閣待制知太平已而提舉南康軍湖南寇蔓延淵命將討平之遷兵部尚書知平江計淵所至嘗賑濟全活者二百萬餘人後詔褒淵善政凡二十五事拜資政殿大學士封金陵侯進爵爲公賜錦繡堂忠勤樓字額復帥兵援川蜀與汪惟立力戰敗之寶祐五年拜參知政事尋致仕提舉洞霄宮卒贈少保諡莊敏淵有才畧尙氣節第嚴威太過其弟潛亦屢諫之所著有易解退菴文集奏議若干卷曾孫欽仕元至正時避亂徙居郭村港

吳潛字毅夫柔勝季子登嘉定丁丑進士第一授簽鎮東軍節度判官都城火上疏言齋戒修省務盡其實闔宦勿親女寵勿昵收召賢哲擯斥貪佞庶幾天意可回易亂爲理又貽書丞相史

高淳縣志

卷十六

列傳 鄉賢

三

彌遠論格君心節奉給恤都民用老成選良將革吏弊六事遷太府少卿淮西總領白政府以金人既滅與北爲鄰法當以和爲形以守爲實以戰爲應不宜輕啟兵端後淮師敗亡皆如其言遷太府卿兼沿江制置知建康江東安撫留守疏論保蜀襄防江海等事端平間詔求直言陳顧天命植國本篤人倫正學術畜人才惜民力邊事鑑前轍楮弊權新制盜賊當探禍端九事忤時相奉祠收秘閣修撰太常少卿奏造斛斗輸諸郡租稅寬恤人戶培植根本凡十五事又言和戰成敗大計宜急救襄陽保江西請養宗子以繫國本鎮人心試工部侍郎兼沿海制置使知平江條具財用凋敝本末以寬郡民歷試戶部侍郎淮東總領知鎮江言邊儲防禦等十五事權兵部尚書浙西制置使申論防拓江海團結措置等事進吏部尚書知臨安召兼參

高淳縣志

卷十六

列傳 鄉賢

四

知政事入對言國家今日之病不但倉扁即庸醫亦望而驚矣願薦任元老博採衆益清祐十一年入爲參知政事拜右丞相兼樞密使明年以水災罷又四年授沿海制置大使判慶元府條具軍民久遠計積錢代民輸帛前後捐通稅五百四十九萬有奇篤意學校諸生肖像祠之立舟成法設山寨置烽燧寇盜屏息理宗稱之曰郡綱整飭海道肅清潛尤究心水利濬河築堰無處不周他如置永豐倉以賑饑貧建廣惠院以養孤獨開藥局以療疾病惠政種種詳載甯波府名宦志以久任乞歸封崇國公判甯國府召入論畏天命結人心進賢才通下情進左丞相改封許國公元兵渡江攻鄂州別將破廣西湖南諸郡潛奏姦愴虛議迷國悞軍劾章鑑高鑄丁大全蕭泰來沈炎等及元兵至潭江西大震潛用御史言移買似道軍鎮黃州似道以爲欲殺已銜之會帝欲立度宗潛密奏曰臣無彌遠之才忠王無陛下之福帝怒卒以災論落職責授化州團練使循州安置似道除其私人劉宗申知循州宗申置毒所居井累召集不赴會移庖不能辭遂卒潛豫知死日語人曰夜必風雷大作已而果然四鼓聞霽撰遺表有云百骸將散傾葵之心愈堅一性常存結草之哀敢貳作詩頌夫子曳杖逍遙曾子易簣兢兢聖賢樂天畏天吳子中道一線端坐而逝循人寬之德祐初追復舊官贈少師潛平生篤義有經濟大志喪妻時未三十不再娶不畜婢妾史稱潛忠亮剛直議論近正建儲之對使或懷顧望爲子孫地又安有是言哉才長於奏對凡三百餘疏載八世孫宗周所爲年譜中咸淳中似道遭貶時人題壁云去年秋今年秋湖上人間樂復憂西湖依舊流吳循州賈循州十五年間一轉

頭人生放下休及似道爲鄭虎臣所殺門下客趙介如守漳爲文祭之云嗚呼履齋死循死於宗申先生死閬死於虎臣嗚呼見蔣子正山房隨筆田汝成西湖志餘按柔勝父不甯國人贅高涇之永甯鄉茅城劉絳女生柔勝劉氏封燕國夫人卒葬茅城石記現存則柔勝與淵潛俱生高涇無疑矣甯國郡志亦載不贅金陵時高涇屬金陵亦稱金陵柔勝因父贅涇遂以涇水籍登進士其子淵潛亦籍涇水見朱彝尊提舉洞霄宮題名記又吳氏家譜稱柔勝因水患與其子徙宣城次子泳獨留今居南塘者皆泳之後至柔潛列朝誥勅及趙汝愚張栻蔡元定許衡等撰贊今具藏河上埂吳宅河上埂蓋潛後也

明韓叔陽字進甫少聰慧有遠志登嘉靖丁未進士授浦江令釐弊戢姦以政績著邑人祠祀之歷戶部郎出守嚴州時礦徒攻

高涇縣志

卷十六

列傳 鄉賢

主

劫諸郡剿之殺傷轉劇叔陽謂宜絕其餉道可不煩兵而罷遂分捕諸餉者適御史某弟與焉按之不貸徒黨盡散有黃冠誣士子殺人又有殺母以誣富人者叔陽皆廉得其情坐誣者沉寃遂白他所建畫多有惠利郡人祠祀之擢湖廣副使不赴歸置義田以贍族建義倉以贍鄉教育子弟動遵禮法年五十四卒祀嚴州府名宦子邦憲秉家教成進士爲衢州守饒經濟才魏鐘字朝振生而魯語不能爲鄉音家貧力學持志節歲歉饑虛兩日或以市餅進鐘曰顛頤君子所羞却不受補諸生食餼嘉靖八年領歲薦授泗水縣訓導甫十日正衣冠坐明倫堂而逝人謂鐘故魯語至魯地而卒有返本之意云萬曆間崇祀鄉賢陳九齡字愛之幼喪母事繼母以孝聞弱冠博通經史業師某浙人死於瀄九齡躬扶其櫬還浙已從事余玉崖湛甘泉之門寃

心理學疏註易義遠近師之以歲薦授宜春令勵操樹績抑豪右振貧乏省夫役革常例積穀數萬石以備賑民感頌焉性直不肯姘阿爲嫉者所中罷歸交遊儒彥以書史吟咏自娛人稱文雅孫調鼎登天啟壬戌進士

韓仲雍字璧哉萬曆甲辰成進士觀政吏部例得守選丙午順天鄉試分校所獲多名士丁未除戶部主事出權九江關勾算歷年加課力與監閘較執每歲溢入太倉庫銀濟邊七千餘兩定爲例部劄善之以員外陞貴州按察使提舉僉事飭士試題外加論表策各一道氣習文章翕然一變陞福州副使巡海道設水標募苗兵防堵消弭於是日本島酋素擾鷄籠淡水竟納款來歸議者謂宜誅之雍曰殺降不祥乃椎牛醢酒饗之其渠明石道友者驚喜過望曾東沙外洋有倭船至標將率兵攻之而

高涇縣志

卷十六

列傳 鄉賢

主

明石道友爲之間生擒六十七人獻俘軍門中丞黃某盡拘諸獄移文於浙欲並錄其功浙撫無忌之中丞疏功弗得請及以艱歸代者浙撫之鄉人獨聽游擊潘一德言以休息防護營分監內郡暮夜獄倭生疑縱火跳梁欲乘勢肆毒雍急起以苗兵擒斬之一德遂誣以陰私雍始以擒倭爲奇功而卒以基禍憤懣成疾棄官歸卒年五十有一生平陶鑄風雅瀟灑多才有在魯堂諸集行世

徐天衢敦尚道義修行飭躬欽式間里課子一范成名進士贈中書科舍人崇正間闔學舉祀鄉賢

國朝

芮城字哲生食餼郡學篤志潛修精究理窟事親極盡色養善無諸弱弟親卒廬墓呼號三年無間遇貧乏不能自存者輒分館

穀以濟饑年有鬻女者爲之撫養比成立趣其父迎歸毫不取償其授徒易以聖賢之道雖盛夏必衣冠而處所著有易繫圖義和陶集韻記類纂等書康熙間祀鄉賢

孫奏字賡伯號茲菴十歲能文饒有英氣里中奇之弱冠食餼由拔貢登順治庚子亞魁捷南宮補司李值缺奉裁改知巴東縣隨遷潮州平遠甲寅閩亂率厲鄉勇鏖戰斬僞總兵林清袍乙卯斬僞游擊洪省經有旨嘉其奮勇丙辰粵叛奏血戰潰圍赴贛請援撫院倭難其靖共請不次之擢適丁內艱回籍已未授貴州平遠府改授浙江台州府下車卽以興利剔弊爲已任勸課農桑敦行孝弟民知向方未幾卒於官台民思之祀名宦乾隆丙寅祀鄉賢著作甚富有二懷堂稿紀游草行世

張自超字彝嘆天性純孝積學能文由拔貢登康熙壬午賢書癸

高淳縣志

卷十六

列傳 鄉賢

十七

未捷南宮主試者已擬元會有齟齬之者遂寘第八館選復不與士林惜之嘗肄業虹橋書院與戴名世劉巖及方舟劉輝祖兩家兄弟相友善少失怙奉七旬老祖二十餘年養孀母吳氏四十載生事死葬莫不盡禮其居鄉建宗祠設義田救災捍患踴躍先趨說禮敦詩陶鎔後進聲譽既隆浙撫徐元夢聘主萬松書院一時從游者入爲純儒出爲名臣稱極盛焉康熙五十七年詔舉積學篤行之士浙撫疏薦於朝詔以翰林官徵入燕京行次山東卒於在平旅次鄉里追思遺範請祀鄉賢乾隆二十四年三院入奏奉旨依議三十四年奉旨准入大清一統誌永垂不朽生平著述甚富今惟春秋宗朱一書行於時

論曰鄉賢何爲而有祀也蓋士或爲名儒或爲名宦其流風餘澤

輝映梓里俎豆之於庠所以誌景行也抑有說焉傳稱能捍大災禦大患則祀之吾淳之累始莫大於漕糧繼莫苦於里役前輩若韓若徐若王諸公及吳丁兩先生後先出死力痛顛而革除之而後出淳民於水火捍禦之功家社而戶稷之也固宜而因循日久祀典缺如此則不能無待於異日者也

光緒辛巳重修邑志公議爲前輩韓徐王諸公及吳丁兩先生立位從祀於酬恩堂之東西以彰功德

高淳縣志

卷十六

列傳 鄉賢



高淳縣志卷十七

鄉宦人物二

宋劉應炎字景暉安撫使綰之後登咸淳間進士初任臺諫以不附賈似道上書忤旨謫景陵縣尹乃賦悲笑二歌歸隱焉

劉愈字初心茅城人咸淳甲戌進士忤丞相陳宜中授宜倫令未竟其用士論惜之

王景雲字仲慶幼穎異學問閎博咸淳間以薦辟授青流簿嘗與弟景華捐貲恤貧乏建怡怡亭式好至老不異居及卒副使劉應昂為撰墓誌銘

元劉應昂字景文宋安撫使綰五世孫念世受宋恩隱居不仕至元戊子御史程文海學士盧勢按江南訪求人才薦宋舊臣遺士謝枋得等三十人應昂名與焉昂堅辭不許授國子祭酒歷

高淳縣志 卷十七 列傳 鄉宦

大司馬年八十一卒諡文襄孫梓宇彥敬登泰定張益榜進士官至廉訪使

王均容字受甫少有遠志至元戊子同劉應昂膺薦辟授江陰令縣故有火化及溺女俗嚴禁之擢戶部郎出知廬州約已裕下革弊惠民以疾歸匾其居曰三湖居士

劉鎬字所照愈之子登延祐乙卯張起巖榜官御史有直聲與呂思誠不合投劾去

明夏璿字玉成洪武朝以經明行修被薦授嘉興府知府廉以律已寬以馭民致仕歸囊橐蕭然

嚴恪字叔敬號慎齋祖如桓自中山徙唐昌里元季楊廉夫掌教東湖書院恪從之遊和廉夫白燕詩有穿簾羽拂銀釵落入幕尾分玉剪長之句楊大器之明祖定鼎金陵恪上書陳利弊忤

旨發遣滇南建文四年用司馬齊泰薦特召還除給事中不拜時相奏恪非科道才改國子助教永樂元年三月丁艱論祭葬賜金二鎰戊子起舊職轉廣業堂助教辛卯兼左右春坊校書尋遷左春坊司直時年七十餘乞致仕許之加祭酒贈朝請大夫子遜任後軍都督府經歷

許英字士華永樂戊戌進士任莆田知縣調侯官邑有僧寺匿婦女密室中至殺其夫者英多率幹役托齋僧至寺集眾僧局齋房中搜所匿婦女悉還其家遂積薪寺門併僧焚之政聲噪一時擢陝西道御史父昭贈如其官

夏輯字良成宏治乙酉以鄉薦授沙縣令性剛直忤逆閹劉瑾被黜瑾敗起補瑞安調曲江後以疾歸輯有孝行母歿廬墓三年

張坤字希載明經有至行不近聲色諸生時洪都劉某來邑中困

高淳縣志 卷十七 列傳 鄉宦

二

甚濟之金正德間謁選得開州同知會中貴擅權凌辱屬邑坤上書解印綬家宰異之選部郎遣人物色之力勸之官選部郎即前受金劉也坤固辭則為請改授台州府同知賜林下一人四字歸坤既家居優游田里每歲歉設糜出粟以食餓者閭黨稱之

張傑字世興性狷介重然諾嘉靖元年歲薦授汝藩審理以嚴見憚遇人急傾囊不吝居任十年卒貧不能殮士論美之

柳江字朝宗由歲貢授滿城令艱歸起復補石城再調甯津江所至有惠政在甯津時嘗平反馬省冤獄全活其一家省德之以數百金為壽不納繪像祀焉後家居清約如寒素人問曰作令三邑田不滿百何也江曰多田多人多人多費不如少也時奉為格言

張蘊字一貞性穎敏日記數千言髫髻能文嘉靖己酉庚戌聯捷授南京戶部主事稱廉能由本部郎出守懷慶均科額辨冤抑鋤強梗政聲大噪擢山西副使備兵雁門時俺酋外躡邊事孔亟蘊至繕修城隍寨保簡核軍實經畫中機宜俺不敢牧馬城下忽一日興去志遂自投効歸歸後謝塵鞅飭子姓終其身族無訟者

周慎字尚禮十歲能文為諸生食饒父卿好施予每有子慎輒舉所入奉之即家貧不惜也後貢入雍放館歸有京兆公餽三十金會歲歉見道旁暴骸即捐瘞之比抵家僅餘數金聞鄰人將鬻妻復傾囊與之謁選授蘄水令釐弊直枉清操日厲將入計筭無餘賞士庶感金為贖慎一切謝遣至濟甯晨起整襟端坐而逝縣民立祠祀之

高淳縣志 卷十七 列傳 鄉宦

三

張應亮字汝龍性果敢有為領嘉靖己酉鄉薦初授餘杭令鋤強剔蠹大著丰采制府才之授以偏師禦倭殲寇於閩之甯香捷聞賜白金文綺治慶元內陞貴州道御史抵中貴於法聲震臺中出為四川僉事左遷鄱陽令晉嘉定知府平蠻敘功再賜金綺後以却蜀藩征採焚其豆米舊案芟錦枝樹拂當道歸應亮歷官最久事肅廟穆廟神廟三朝家居議濬天生橋河收折漕糧年八十三卒

韓孜字勉之家貧嗜學嘉靖壬子舉於鄉教諭德平解俸贐課士遷國子助教郎陽同知郎守朱某卒虧帑五十兩孜代補隱其事歷任九年清操不易擢南戶部員外刑部郎中會星變柄事者庇私人以孜代左遷不赴歸卒之日家無餘金
夏甯素敦倫砥行誼以貢授邵武訓導時邵武廣學宮有富室以

地故賂甯求免峻拒之遷餘干教諭力行教化士多向方年百歲卒於家

陳九思字福之慷慨不競榮利清邑官田糧重轉鬻無受者輒詭作民田立券書田去糧存通積流離嘉靖戊戌九思當歲薦建言不避豪右巡撫歐陽移檄勘丈均虛米困遂甦初令新鄉改靈川至皆有惠政比拂袖歸悉以產讓伯季親知多沐其惠者邢繼本字惟立未冠爲諸生父通判世榮先爲司隸繼本隨任入國學研心文史登順天辛酉鄉薦授衛輝府推官府獄繁盜趙會等七人多姦吏所羅織繼本鏡其情惟會當罪餘皆得免死一少男子姦獄不決問爰書數曰十歲女是與戲耳真耶獄遂雪又有七歲女殺於路無由則焚香籲天夜乃夢絳衣人授姓書寤曰其趙姓乎迹捕之得趙世強果供服衛人神之嘗暑汲

高唐縣志

卷十七

列傳

鄉官

四

輝二邑篆早蟬民業色因出家舶米設糜食之民賴全活後攝知府事旬餘以疾卒於官囊無一錢

韓邦憲字子成叔陽子少以奇童稱年十二趙學使鏗奇其文補弟子員十八領嘉靖戊午鄉薦明年成進士授屯田主事佐理大工絕中貴侵冒及管永陵有功晉虞衡員外郎忽一日念父心動告歸父適卒祖母相繼卒居三喪致哀盡禮時邑侯鄧開丈量邦憲預區畫遂成良法邑官田磽瘠糧重累民邦憲以已戶民田均其糧例行豪右不能違又邑自築東壩沒田若干頃而賦役外復加里甲物料虛懸米八千石邦憲倡減稅議牒兩臺題請永除米八百六十石由是應天尹改里甲入均費八縣德之服闕補刑部遷衛州甫至問民疾苦首揭明大義勸職守實節省復成法議賦役講實政廣儲蓄修武備八條既即見

諸行事如祀先賢節孝優禮高隱稽孔氏廟田捐俸養士定賦役之書革織造之姦還寄運之艘增防鑛之兵加開化鹽引皆如其言邦憲爲政大約以教化風俗人才爲先所規畫至今爲衢永利未幾疾作值大旱猶強起書檄發粟賑濟及卒語不及私當道稱其賢邦憲天資英異日覽書至寸許終身不忘作詩文未嘗屬草於典章制度尤精核著有高唐事宜議四則及衢州諸集卒年三十五位不盡才人共惜之祀衢州名宦郡民復採銅鑄像立常懷祠四時致祭

陳九成字惟和少苦志讀書以歲薦授淄川丞不樂親吏事日與文士譚經藝及君拱効歸曰名利非吾志與其孤身千里孰若聚首一家比歸室同懸罄敝衣粗食宴如也邑令訪之鑿坏避去年八十四卒無子

高唐縣志

卷十七

列傳

鄉官

五

陳九儀字惟慎少有名庠序性孝友學使者屢嘉其德行以歲薦授永春令克者循卓擢紹興府通判永民爲立碑及作甘棠亭記以志思居紹興二載政譽益起兩臺交章薦之乃固請老既歸杜門掃迹建怡怡亭與兄九成爲白首權年七十卒

張應圖號鍾河萬歷改元以歲貢任政和令和無城數罹倭患應圖下車首請建城後倭至民得無虞秩滿擢知睢州革陋規八百餘金吏胥不敢私應圖素有至性事繼母以孝聞好施予喜講學歸自睢州年踰七十猶娓娓與後輩討論不休咸稱鍾河先生云

孫夢龍隆慶恩拔貢生萬歷朝授興甯令以才幹調繁大甯擢廣西府通判所至多善政後卒於官

孫思孝字奉先孝友慈惠嘗赴臺試聞母病馳歸又父病疽呻吟